

# Gabú Hpo Lù Dang



Yesuq é Hkyô Mhông-myi Shindâm

Laiká bük - 3



Dang-u : Yesuq é hkyô mhô-myi shindâm pé  
Hpuq ká sù : Chúmlùt Nóng Làt  
: Chúmlùt Ban Htáng  
Myíng : Zaiwâ  
Sâi htoq é bui-nyì : October 2003  
Dum sâi htoq é bui-nyì : August ,2019

Tittle : Good News, Stories of Jesus, Book 3  
Translators : Chumlut Nong Lat  
: Chumlut Ban Htang  
Language : Zaiwâ  
First Edittion : October 2003  
Second Edittion : August ,2019

## Laiká bük shî-má bo dang-u pé

Noqkuq yhûm hkaû má, yùqzo Yesuq jé nyí é hkyô. Lukaq 2: 41-51	1
Nàt èq Yesuq lé, chyam wú é hkyô. Mahte 4 : 1-11	4
Myiwe zo wuî raxê yùq é mhô-myi shindâm. Mahte 25 : 1-13.	6
Hkyô a wó sô é byù ra-yùq lé, Yesuq lhoq gê byî é hkyô. Mk 2: 1-12.	9
Ka-naq wà mâ é myiháng poî. Yohan 2 : 1-11.	12
Yesuq, myang ji mû, Yerusalem shut wang ló é hkyô. Lukaq 19: 29-40.	14
Yesuq eq Zaké é hkyô. Lukaq 19 : 1-9.	16


## Shí lé hí nghap yû keq.

Shí pé gi, chyúmlaika mai kê htoq yu é, Yesuq é hkyô eq yhang taí kyô é hkyô pé eq sêng é mhô-myi shindâm pé ra-am ru nghut ashî. Yesuq gi, Israelaq gâ é mau má, nyi laí lo wú bê sô nghut lhê. Garai Gasang gi, yhang eq rahá nghut nyi é yánmai, yhang gi, haú ming má lhing jón wún luí, ge e hkyô pé eq hkik é múzo pé lé kut shit bê nghut ri. Nòhpyo hui bang lé, lhoq gê byi bê. Garaí é hkyô pé lé, taí kyo bê nghut ri.

Israelaq byu pé mâ é sôwún wuî myo myo kúm gi, Garaí é tarâ jòq to gù má, yhángmòq é tarâ pé lé, jàt kat yu akô nghut ri. Yhángmòq é tarâ pé lé, Yesuq a bo mhoqshit byî é eq imyit a bo hui byî é yánmai, yhángmòq gi, Yesuq lé htuq htîng nyi akô. Haú mù, yhángmòq gi, Yesuq lé, asuyaq é lòq má àp byî pyám kó luí, tapzîng htoq má bàt tap sat pyám nhâng bekô nghut ri.

Nghut kôlhang, sum nyí nghû râ buinyí má, Garai gi, yhang lé dum dui toq nhâng bê nghut ri. Byu pé ra-am kúm gi, yhang lé lùmjîng kô-mû luí, yhâng htâng châng bum akô nghut ri. Yhángmòq gi, yhang lé, “Yhûmsîng”eq “Yhûmsîng Garai” gâ akô.

# Noqkuq Yhûm Hkaû Má, Yùqzo Yesuq Jé Nyi É Hkyô



Yesuq é yhângnu eq yhângwâ nhik gi, Yudaq byù pê é lhoq lhai poî wàng râ matú, Yerusalem wà mó má zàn hkangmó ê ê kut nyi akô. Yesuq é asàk raxe í zân nghut é hkûn, yhângnu eq yhângwâ nhik gi, hí lê su, haú shut dum ê kó-mû, Yesuq le, yhángnhik eq rahá za bo châng e ri. Haú poî bàn jáng, yhângnu eq yhângwâ nhik gi, yhángnhik é lazúm wuî eq rahá za kut, yhûm shut dum taû ló bekô. Yesuq kúm gi, Yerusalem wà mó má, nyi gyó tô é lé, yhângnu eq yhângwâ nhik a sê kat kó nghut ri. Yhángnhik gi, Yesuq lé yhángmòq é byù hpúng má, lom to nhô ngam pyám kô luî, ra-nyí buì gyùm chap yhang sô pyám bekô nghut ri.



Haû mù, yhángnhik gi, yhángnhik é yhûmbyù wuì eq  
buìnùm wui chyáng châng ho wú kô é hkûn, Yesuq lé a  
myang hô kó nghut ri. Haû mù luî, yhángnhik gi, yhang  
lé châng hô râ matú, Yerusalem wà mó shut dum taû e  
ló bekô. Sum nyí nghû râ buìnyì má shèq, yhángnhik gi,  
noqkuq yhûm má, Yesuq lé ê myang ho yu akô. Yesuq  
kúm gi, haú má, Yudaq sará pé eq rahá za, yhángmòq  
chyáng mâ é gyô yù yù kut é eq, yhángmòq lé dum taû  
myi myi kut luî, zung tô ri. Yhang dat tû nyo kat kat kut  
e yánmai, wó gyô é bang lhúnglháng gi, gyai maú byùq  
bum akô nghut ri. Yhângnu eq yhângwâ nhik kúm gi,  
yhang le byu myang kat kô jáng, maú byùq akô.



Yhângnu gi, yhang lé, “Nga zo ê! Nàng gi, haî mù luî ngá-nhik lé, îsu kut lhê lhú? Náng wa eq ngá-nhik gi, nang lé, gyai myit chiq pyám bê nghut lhê” ga taî ri. Yesuq kúm gi, yhángnhik lé, “Haî mù luî, ngo lé châng ho nyi akô lhú? Ngò gi, ngá wâ é yhûm má nyi râ dùt é lé, núngnhik a sé kó lhú?” ga, tai kat ri.

Nghut kôlhang, yhángnhik gi, yhángnhik lé taî nyi é hkyô lé, a sê gyo kó nghut ri. Hau htâng, Yesuq gi, yhángnhik eq rahá za Nazaret wà shut châng taû lô luî, hkyô hkat hkangmó má, yhángnhik é dang lé gyo byî nyi ri. Yhângnu kúm gi, dùt laî lo é hkyô pé bànshoq lé, yhang é ûnghkaû má kat wun chûng bê nghut ri.



# Nàt Èq Yesuq Lé Chyam Wú É Hkyô.



Chyoiyúng Woínyí gi, Yesuq lé, Nàt èq chyam wú é hui nhâng râ matú, yòso shut shuí e ló bê nghut ri. Yesuq gi, buinyì myi xê nyí myi xê myîn yhang, zoshuq a zô é za nyi laî pyâm é yánmai, gyai yhang zòmút hpû to bê. Nàt gi, yhâng chyáng jé lé mù, yhang lé, “Nàng Garaî é yhangzo nghut le gi, lùqgok hkyí shí pé lé mùk dùt nhâng àq.” ga, taî ri. Haú hkûn, Yesuq gi, “Garaî é mungdang má, Byu pé gi, mùk èq za asàk wó dui nyi é a nghut, Garai taî kat é danghkun hkangmó mai za shèq, asàk wó dui nyi bum é nghut lhê gâ tô ri. ga, taî kat ri.” Hau htâng Nàt gi, Yesuq lé, chyoiyúng wà mó, Yerusalem shut shuí ê mù, noqkuq yhûm mâ é myhang dik é jowò má nyhi to luî, “Nàng, Garaî é yhangzo nghut le gi, byam gyó kat wú aq, haî mù gâ le, Garaî é mungdang má,




“Nang é hkyî lhang luqqòk pé ma a záng htung nhâng shoq, Garai gi, yhâng é maumang pé lé nhang kat byi luî, yhângmòq é lòq èq nang lé lhom bún yû nhâng râ nghut lhê” ga, bo tô ri.” ga, yhang lé taî ri. Yesuq dum taî é gi, “Nghut kolhang, Garaî é mungdang má, Nàng gi, haû Yhûmsîng nâng é Garaî lé wó chyam wú râ a nghut ga, taî tô ashî nghut ri.” gâ ri. Hau htâng Nàt gi, Yesuq lé, gyaí myhang é bùm ra bùm má shuî dòq ló luî, myidàm htoq mâ é mîngdán bànshoq lé le, haú pê é hkik é hkyô eq atsam bo é hkyô pé lé le, tûn shit ri. Haû mù, Nàt taî é gi, “Nàng hkyîhpùt htuaq mù, ngo lé noqkuq é nghut le gi, shí pé bànshoq ngò nang lé byi râ nghut lhê” gâ ri. Hau htâng, Yesuq gi, “Tsadan ê! Ló byùq lo aq. Garaî é mungdang má, “Haû Yhûmsîng nâng é Garai lé noqkuq aq, yhang lé baú za jaú aq” ga taî tô ri ga luî, tû taî kat ri. Haû mù, Nàt gi, yhâng chyâng mai ló byùq é htâng má, maumâng pé gi, jé lé kô luî, yhang lé wú lajang byi bekô nghut ri.

# Myiwe Zo Wuî Ra Xê Yùq É Mhô-Myi Shindâm




Ra-nyí lé, Yesuq gi, yhâng é chángzô pé lé mhoqshit byî nyi é hkûn, Garai Hkóhkâm su ming ùp râ matú ga jé lé lo é hkûn, hkâsu dùt lò râ nghu é hkyô lé, tân shit râ matú a-ô mâ é mhô-myi dông, yhángmòq lé taî kyô ri. “Ra dàm lé, myiháng poî ralhum jòq ri. Myiwe zo wuî raxê yùq gi, làngsik eq hui râ matú e ló bum akô. Yhángmòq gi, yhûmsing é xû, myibung lé, yu chung bum akô nghut ri.

Haú bang mâ é ngo yuq gi, byù bam nghut akô. Yhángmòq gi, yhûmsing é myibung lé yu chung bùm kôlhang, xû chyân ra-tsuí lháng a yu chûng ko nghut ri. Nghut kôlhang, gó bang ngo yuq kúm gi, hpàqchyî bò bang nghut akô.



Yhángmòq gi, xû chyân ra-tsuí tsuí yu chung bum akô nghut ri. Làngsik jé lé râ gi, myáng ashî nghut é yánmai, myiwe zo wuî haú bang gi, yhang lé, lánng nyî uchyang yhup myhî tô bùm bekô nghut ri. Myín gûnggàm má, byù ra-yùq gi, làngsik eq ê hui râ matú, yhángmòq lé wùt nhaû kat bê nghut ri. Haû mù, Yhángmòq gi, yhup toq kôluî, Yhángmòq e myibung pé lé hen lajang bekô nghut ri. Haú bâm é myiwe zo wuî gi, haû hpàqchyî bo é bang lé, ‘Ngá-mòq é myibung pé gi, xû htûm to bê nghut é yánmai, ngá-mòq lé núngmòq é xû ra tsuí tsuí gàm byi kôlàq mhaî.’ ga, dûng akô. Nghut kôlhang, haû hpàqchyî bo é myiwe zo wuî gi, ‘Ngá-mòq le, ngá-mòq é myibung pé má lùq râ í za ru wó bum lhê ô! Núngmòq gi, haî mù luî, yhûmsing é matú gaiséng shut ê mù, xû a é wui yù kô é lhú?’ ga luî, tû taî kat akô. Haû mù luî, bâm e myiwe zo wuî gi, xû wui kat râ matú gaiséng shut e ló bekô nghut ri.



Làngsik gi, Yhángmòq htoq e ló é u má, jé lé lò bê nghut ri. Myibung pé má xû bo tô é myiwe zo wuî haú bang ngo yuq gi, yhang eq rahá za kut myi háng poî shut wang e ló bekô nghut ri. Haû poî kut nyi é jang mâ é hkum pé le, myhî pyám bekô nghut ri. Razùp zo má shèq, myiwe zo wuî gó bang gi, gaiséng mai dum taû jé lô bekô nghut ri. Yhángmòq gi, “Jezu mai, Ngá-mòq lé, hkum hpóng byi kôlàq ô! wàng nhâng kôlàq ô! ga, dúng wùt bum akô. Nghut kôlhang, làngsik gi, ‘Núngmòq gi, ô pé nghut é lé, ngò a sé! Núngmòq a wó wâng lo” ga lhom tû taî kat ri. “Yesuq gi, yhâng é chángzô pé lé, taî nyi uchyang, haû Hkóhkâm gi, hká buinyì, hká hkyíng má, jé lé râ nghu é lé, núngmòq a sê to kô é yánmai, núngmòq gi, hkâ-nhám le rì rì kut nyî keq ô!” ga taí luî, haú mhô-myi lé lhoq pán bê nghut ri.

# Hkyô A Wó Sô Byùq É Byù Rayùq Lé, Yesuq Lhoq Gê Byî É Hkyô



Yesuq gi, Kapena-um wà mâ é yhûm ralhum má, lúng to luî, byù mòq mó lé Garaî é hkyô mhoqshit hi ló bê nghut ri. Yhúm hkaû má, byù lûm myô byùq luî, yhûmpán jé shoq jowò a jòq lo dùt bê nghut ri. Hkâ-í a myáng má, byù myi yuq gi, hkyô a wó sô byùq é byù rayùq lé, dang jé lé lo akô. Haû byù nò gi, yhuphpú htoq má lèq yâng tô ri.

Yhángmòq gi, haú yùq lé Yesuq chyáng wàq jé ê nau bùm kôlhang, byù mòq mó nyi tô é yánmai, yhâng cháng a wó htèp ê kó nghut ri.



Haû mù luî, Yhángmòq myi yuq gi, nò sù lé yhupphu eq roq, ra tô é yhûmhkûng htoq shut wàq dòq ló kô-mû, hkûnghpaú má dong mó ralhum htông yù lo luî, Yesuq é hí ang ang má lhoq nyhum hkyô kat akô nghut ri. Yesuq gi, haú bang haú í wá lùm kô é lé myang kat jáng, nò sù lé, “Ngá zo ê! Náng é mara pé le hkyut pyám byi bê” ga, taî ri. Haú má bo nyi tô é Yudaq sará pé ra-am gi, “Yhang gi, haî wá nghut luî, îsu ga taî lhê làq?”

Yhang gi, Garai lé rhoui nyi ri nhung! Byù ó yùq nghut kôlhang, mara pé lé a wó hkyut pyám byi. Garai baú za wó dùt lhê” ga, Yhángmòq é ûnghkaû má myit pyâm akô nghut ri. Yesuq kúm gi, Yhángmòq myit nyi é hkyô lé, sé gû nghut mù luî, yhángmòq lé taî kat é gi, “Núngmòq, haî mù luî, haú sù é pé lé myit nyi akô lhú? Náng é mara pé le hkyut pyám byi bê! nghû luî taî é gi, Toq aq, náng é yhuphpú ding wàq luî sô ló lo aq! nghû taî é htoq má, je ri taî lui lhê a nghut kó lhê? Nghut kôlhang, ngò, Byu Yhangzo gi, myigùng htoq má mara pé lé wó hkyut pyám byî é atsam bò sù nghut é lé ngò, núngmòq lé saksé tân shit râ nghut lhê” gâ ri.

Hau htâng, Yesuq gi, hkyô a wó sô é byù haú yùq lé, “Toq aq, náng é yhuphpú ding wàq luî, yhûm shut ló lo aq.” ga, taî kat ri. Haû yùq gi, toq yàp luî, yhâng é yhuphpú lé dîng wàq mù, yhúm hkaû mai sô htoq ló bê nghut ri. Haú má, nyi tô é byù lhúnglhâng bang gi, Yhángmòq myang é hkyô lé, gyai yhang gyùq dan byùq bùm bekô nghut ri. Yhángmòq gi, Garai Gasang lé hkya-on luî, taî kô é gi, “Ngá-mòq gi, shî sù é hkyô lé, hí hpyang radàm lháng a myang wú é nghut lhê” gâ akô.



## Ka-Naq Wà Mâ É Myiháng Poî




Ra-nyí lé, Galile mau mâ é, Ka-naq wà má myiháng poî ralhum jòq ri. Yesuq le, yhângnu le, yhâng é chángzô pé gi, myiháng poî haú má bo lom nyi akô nghut ri. Zo shuq nyi bum ashî u lé, bíng pé gi, tsâbyiq wîng lé ban shuq pyám bekô nghut ri. Haú mù, Yesuq é yhângnu gi, yhâng chyáng lé lô luî, “Tsibiyiq wîng a jòq byùq lo nghut ri.” ga, lé taî ri. Yesuq gi, “Ânu ê! Ngá-nhúng haî mô, haú hkyô lé chiq byi râ dùt ri lhú? Ngá é ahkýíng a jé shi nghut ri” ga, tû taî kat ri. Hau htâng, Yesuq é yhângnu gi, duì-nhâng zoshâng wuì lé, “Núngmòq lé, ngá zo taî é dông châng kut keq” ga, taî kyô tô ri. Ahkuî, haú má lùqgòk èq saî tô é yam mó hkyuq cham jòq tô ri.

Yam mó haú pé gi, Yudaq byu pé mai, Garaî é hí má, Yhángmòq gùng lé lhoq sân pyám râ dông, yhángmòq é lòq pé eq hkyî pé lé chi râ matú, wuìchyam kat to jang nghut ri. Yam lhum hkangmó gi, wûshang 120 shang kô kô wàng râ í chyat kô bum ri. Yesuq gi, duì nhâng zoshâng wuì lé, “Yam mó shí pé má, wuìchyam lhoq pyíng keq.” ga, taî kat ri.



Haû mù, Yhángmòq gi, yam má haú pé má byíng dem shoq shoq wuìchyam dât pyíng bekô nghut ri. Hau htâng, Yesuq gi, Yhángmòq lé, “Ahkuî, yam mó haú pé mâ é wuìchyam ra tsuí tsuí gòt yù luî, poî shî ùp é sù lé, lo byi huq wú keq hkoì.” ga, taî kat ri. Haû duì nhâng zoshâng wuì gi, poi ùp chyáng wuìchyam ra-tsuí yu lò byî akô. Yhángmòq haú su kut nyi é u lé, wuìchyam haû gi, tsibiyiq wing dùt byùq bê nghut ri. Haû hkâ mai dùt lo é hkyô lé, duìnhâng zoshâng wuì sê bùm kôlhang, haú yùq kúm gi, a sé nghut ri. Poi ùp gi, haú lé, yù shuq wú mù, lusik lé ji yù luî, “Gá hkûn gi, î-mún lé hí jaú byî akô; bíng pé shuq gyî bum é htâng má shèq î pyâng lé lhaq byî huq huq kut akô. Nghut kôlhang, poî shí má gi, î-mún lé shèq htâng má jaú akô nghut ri myî-nhung.” ga taî ri. Yesuq gi, maúhpo amû shí lé, Galile mau mâ é Ka-naq wà má kut shit bê nghut ri. Haû gi, yhang mai kut shit bê làklaí kúmlhá myo myo mâ é sâng-hî lhum nghut ri. Shawa byu pé gi, yhang hkâ-í atsam bo é hkyô lé, myàng bekô nghut ri. Yhâng é cháng zô pé gi, yhang lé lùmjíng bùm bekô nghut ri.

# Yesuq, Myang Ji Mû, Yerusalem Shut Wang Ló É Hkyô.



Yesuq gi, Yerusalem wà mó shut e ló nyi ri. Yhang gi, Tsanlun Bùm mâ é Bepage wà eq Behtani wà má je lò kô jáng, yhâng é chángzo í yùq lé, “Hé wâ shut ê keq. Núngnhik haú má wang e é hkûn, ó yùq lháng a jî wú shî é myang logúng zo radu lé, myàng kôra nghut lhê. Myang haú lé, tui hpyi yù mù shí shut she lò keq. Rayùq yùq mai, haî mù tui hpyi nyi akô ga myi kôjáng gi, “Haû Yhûmsîng, myang shî lé râ ri gâ” nghû luî, tû taî kat keq” ga pyîng luî, nhâng kat bê nghut ri. Yhángnhik gi, e ló le, Yesuq taî kyô kat é eq rajung za, bànshoq lé ê myang akô nghut ri. Yhángnhik, logúng lé tui hpyi nyi kô é hkûn, myang yhûmsîng wuì gi, yhángnhik lé, “Haî kut tui hpyi nyi akô lhú?” ga, lé myî akô. Yhángnhik gi, “Haû Yhûmsîng, myang shî lé râ ri gâ.” ga, tû taî kat kô luî, logúng haû lé, Yesuq chyáng she lò byi bekô nghut ri.



Hau htâng, Yhángmòq gi, myang hau é nùnghkûng htoq má, Yhángmòq é bu-mó pé lé ke byi kô luî, Yesuq lé dòq ji nhâng bekô nghut ri. Haú su kut jî e ló é hkûn, shiwa byu pé gi, Yhángmòq é bu-mó pé lé, hkyô má hkang byî akô nghut ri.

Yhang gi, Yerusalem wà mó eq chyâng lo nyi é hkûn, Tsanlun Bùm mai hkêgyó gyó é jang má jé bê nghut ri. Haú jowò má, yhâng htâng châng é byù mòq mó gi, Yhángmòq wó myang yù bê mú mó pé bànshoq é yánmai, htê mó èq Garai lé jeju hkya-ôn kat bûm bekô nghut ri. Yhángmòq garû taí kô é gi, “Garai gi, haú Yhûmsing é myìng mai jé lé é Hkóhkâm lé, shi-mân byi sháng gàq ô! Mauhkûng htoq má nguì ngón luî, Garai gi, hpúng bo nyì sháng gàq ô!” gâ akô.

Haú mù luî, byù mòq mó hkaú mâ é ra-am gi, Yesuq lé, “Sarà ê, Náng é chángzô pé lé, zîm byùq râ matú taí kat àq!” ga, taí kat akô. Haú hkûn, Yesuq gi, “Ngò, nùngmòq lé taí kyo kô lé, byù shí bang zîm byùq é nghut le gi, lùqgòk pé wut garû lo bùm kô râ za nghut lhê.” ga tû taí ri.

## Yesuq Eq Zaké É Hkyô



Zaké gi, Yerihkó wà má nyi é kang gùq zo sù rayùq nghut ri. Yhang gi, sùtzè gyai wó sù nghut ri; haú mâ é byu pé gi, yhang lé a ô nau bùm kó nghut ri. Ra-nyí lé, Yesuq gi, haú wâ hkaû dông laî e ló nyi ri. Zaké gi, Yesuq hkasû é byù nghut é lé, sé naû luî, yhang lé gyai yhang byu myàng nau nyi ri. Nghut kôlhang, yhang gi, gyai nyhum é sù rayùq nghut luî, haú má nyi míng bum é byù lûm myô é yánmai, Yesuq lé a wó byu myàng dùt ri.



Haû mù, yhang gi, hkyô haú mai, Yesuq laî lo é hkûn, yhang le, lhom myang yù shoq ga, byù jum é hí shut din htoq ló luî, hkyô yàm má yùq tô é sikhâm myâng ragàm má dòq bê nghut ri. Yesuq gi, haú má jé jáng, tu wú kat le Zaké lé myang kat mù, yhang lé, “Radá dâm gyó lô lo aq. Hkû-nyí, ngò, náng é yhûm má bíng râ nghut lhê” ga, taî kat ri. Zaké gi, radá dâm sikhâm htoq mai gyó lô luî, Gabú myìt eq Yesuq lé, yhâng é yhúm hkaû shut shuî wang ló ri.



31

Nghut kôlhang, haú lé myang kat é byu pé gi, rayùq eq rayùq, “Yhang gi, byù gang mó rayùq chyáng bing rayùq dông ê kut nyi ri hung.” ga, dang soq soq lhûm bum akô. Yesuq, Zakê é yhûm má bing kut nyi é hkûn, Zaké gi, yhang lé, dang nyô luí taí é gi, “Yhûmsing ê! Ngá é sùtzè rawuí hkùp, myùng bang lé byí pyám râ nghut lhê.

Rayùq yùq lé, ngo èq mhaú zô záng é nghut le gi, yhang chyáng mai ngò yu pyâm é gû má, myi tú dum taû jàt byi râ nghut lhê” gâ ri. Haû mù, Yesuq gi yhang lé, “Hkû-nyí jáng yhang, Garai Gasang gi, nàng eq náng é yhûmbyù lé, hkyi yù bê nghut mù, nang lé yhang eq rahá asàk sik wó duí bê nghut ri” ga luí taí ri.

